

NALUNAARUTIT - Grønlandsk Lovsamling

Serie C-II

Naalakkersuisut, Skatteministeriap aamma Suliner mik Inuussutissarsiu-teqartut Kattuffiata akornanni **sulisartut suliamik ilinniagallit ilinniagaqanngitsullu Qaammamusiallit** pillugit isumaqatigiissutaat

Isumaqatigiissummi uani pineqarput sulisartut Kalaallit Nunaanni Namminersorlutik Oqartussani, Tusass A/S-mi, A/S Inissiaatileqatigiiffik INI-mi aamma Kalaallit Nunaanni kommunini suliffillit qaammamusiaqartil-lugit atorfinitssinnejartut, isumaqatigiissutinullu allanut attuumassu-teqanngitsut.

Imarisaanut takussutissiaq

Kapitali 1 Isumaqatigiissummi pineqartut.....	4
§ 1 Isumaqatigiissummi pineqartut	4
§ 2 Nalunaaquttap akunnermusialinnut ikaarsaorneq	4
§ 3 Atorfinitssinermi	5
Kapitali 2 Piffissaq suliffiusoq.....	5
§ 4 Piffissaq suliffiusoq	5
Kapitali 3 Piffissap ilaannaani atorfegarneq.....	6
§ 5 Piffissap ilaannaanut atorfinitssinnejarneq	6
Kapitali 4 Tunngaviusumik akissarsiat aamma qanoq sivisutigisumik su-lisimaneq naapertorlugu akissarsiaqarnermi aalajangersakkat il.il....	7
§ 6 Akissarsiat	7
§ 7 Atorfegarsimanerup sivisussusia naapertorlugu akissarsiat	8
Kapitali 5 Nalinginnaasumik tapit.....	10
§ 8 Persaqusersornermut tapit	10
§ 9 Atorfimmuit immikkut ittumut tapit	10
§ 10 Suleqatigiikkutaanik aqutsinermi tapisiat	10

§ 11 Sannateqarnermut, ilinniaqqinnermut il.il. tapisiat	11
§ 12 Ingiallortitut angalanerit	11
§ 13 Pigaartuuneq.	12
§ 14 Asiarnerit aalajangersimasumillu sammisassaqarluni angalanerit	13
§ 15 Meeqqanik inersimasunillu immikkut pisariaqartitsisunik suliaqarnermut tapit	15
§ 16 Stationeqarfinni avinngarusimasuni sulisut	16
§ 17 Sulartoqquteriataarnissamut tapit	16
Kapitali 6 Sulineruneq.....	17
§ 18 Qaangiuttoorneq	17
§ 19 Qaangiuttoorsimanermut taarsiullugu sulinngiffeqarnerit	18
Kapitali 7 Atorfinnermi immikkut piumasqaatit.....	18
§ 20 Atorfinnermi soraarnermilu akiliunneqarluni angalarnerit .	18
§ 21 Nassatat angallannerinut akiliussineq	19
§ 22 Kalaallit Nunaanni akiliunneqarluni angalanerit	19
§ 23 Angalanermi sillimmasiineq (angalanermut atatillugu ajutooratar-sinnaanermut- aamma nassatanik sillimmasiineq)	19
§ 24 Ineqarneq	20
§ 25 Nassiussanik - aamma pisatanik nutserisartunik sulisitsisup qini-gaqarsinnaanera.	20
§ 26 Atorfimmut atatillugu najugaqarnermi akiliut	20
§ 27 Atorfimmut atatillugu najugaqarnermi akiliut	20
§ 28 Tapit pillugit isumaqatigiinngitsoqartillugu aaqqiissutissaq .	21
Kapitali 8 Atorfimmut atatillugu angalanermi malittarisassat malunnaatilimmik aningaasartuutaanerusut.....	21
§ 29 Atorfimmut atatillugu angalanermi piffissap angalanerup sivisus-susianik ilanngussinernut malittarisassat	21
§ 30 Sulisilluni angalanermi ulluni sulinngiffeqarnissat pillugit ma-littarisassat	21
§ 31 Sulisilluni angalanermi aningaasartuuteqarnerulerlernermet taarsiis-suteqarfigineqarnissaq	22
§ 32 Ullormusiat	22
§ 33 Unnuarsiornermi tapit	22
Kapitali 9 Sulinngikkallarneq, feeriarneq immikkullu pisussaaffiit..	22
§ 34 Sulinngiffeqarsinnaatitaaneq	22
§ 35 Qinikkatut pisortanillu toqqakkatut suliassaqartitaaneq	23
§ 36 Qanigisat perulunnerat aamma/imaluunniit toqunerat ilisaanerallu	24
§ 37 Meerarisap napparsimanerani napparsimmavimmullu unitsinneqarnerani sulinngiffeqartarnerit	24

§ 38 Naartuneq, ernineq meeravissiartaarnerlu	25
§ 39 Napparsimaneq	26
§ 40 Feeriarneq feeriarnersiuteqarnerlu	27
§ 41 Atorfimmi qaffasinnerusumi suligallarneq	27
§ 42 Nipangiussisussaatitaaneq	28
Kapitali 10 Akissarsisitsineq.....	28
§ 43 Aningaasarsiat aningaasarsiallu allanngorartut il.il. tunniunne-qartarnerat.	28
§ 44 Soraarnerussutisiassanut akiliutissat taakkulu akilerneqartarneri	29
§ 45 Toqukkut qimagaanersiutit	29
Kapitali 11 Atorfegarnerup atorunnaarnera.....	30
§ 46 Soraarnissamik/soraarsitsinissamik ilimasaarineq il.il.	30
§ 47 Isumaqtigipiinnngissutit kinaassusersiortumillu soraarsitsinerit	30
§ 48 Akissarsiat katiterneri	31
Kapitali 12 Ikaarsaariarnermi malittarisassat aamma isumaqtigipiissutip piffissaq atuuffissa.....	31
§ 49 Ikaarsaariarnermi aaliangersakkat	31
§ 50 Isumaqtigipiissutip piffissaq atuuffia	33

Kapitali 1

Isumaqtigiissummi pineqartut

§ 1

Isumaqtigiissummi pineqartut

Isumaqtigiissummi uani pineqartut tassaapput, sulisartut Kalaallit Nunaanni Namminersorlutik Oqartussani, Tusass A/S-mi, A/S Inissiaatile-qatigiiffik INI-mi aamma Kalaallit Nunaanni kommunini suliffillit qaammamusiaqartillugit atorfinitssinnejartut, isumaqtigiissutinullu allanut attuumassuteqanngitsut.

Imm. 2. Sulisoq ilinniagalik aammalu tunngaviusumik ilinniagalik sulisitsisoq isumaqtigiissuteqarfingalugu isumaqtigiissut manna malillugu atorfinitssinnejarsinnaavoq. Illuatungeriit tamatuma kingornatigut tamanna pillugu ilisimatinnejassapput.

Imm. 3. Sulisut aalisakkerisuunertut, biologassistentitut, pitsasutsimut teknikeritut laborantitulluunnit ilinniarnerminnut uppernaraatillit isumaqtigiissut manna naapertorlugu sulisutut ilinniagalittut aningaasarsiaqartillugit atorfinitssinnejarsinnaapput.

§ 2

Nalunaaquttap akunnermusialinnut ikaarsaaneq

Sulisoq nalunaaquttap akunnermusialik suliamik ilinniagaqanngitsoq suliffeqarfimmi ataatsimi ingerlaannartumik ukiut 2 sulereersoq isumaqtigiissut manna malillugu atorfinitssinnejarsinnaavoq.

Imm. 2. Sulisoq nalunaaquttap akunnermusialik ilinniagalik, sulisoq ilinniarsimannngitsoq aammalu tunngaviusumik ilinniagalik una isumaqtigiissut tunngavigalugu atorfinitssinnejarpal, akissarsiai nalunaaquttap akunnermusiaqarneranut, taakkununngalu tapinut qaffasissuseq qummut qaninnerpaaq atorlugu atorfinitssinnejassaaq.

Imm. 3. Sulisoq ilinniagalik, sulisoq ilinniarsimannngitsoq aammalu tunngaviusumik ilinniagalik una isumaqatigiissut tunngavigalugu atorfinit-sinneqarpat, tamanna illuatungeriinnut ilisimatitsissutigineqassaaq.

Imm. 4. Ulloq unnuarlu paaqqinnittarfinni sulisut ilinniarsimannngitsut siumut pingaartuusarnissamut malitassallit una isumaqatigiissut tunngavigalugu toqqaannartumik atorfinit-sinneqarsinnaapput.

S 3
Atorfinit-sitsinermi

Isumaqatigiissut una tunngavigalugu atorfinit-sitsinermi, atorfegarner-mut isumaqatigiissutip assinga SIK-p mail-ianut TR_SIK@sik.gl nassiu-neqassaaq.

Kapitali 2
Piffissaq suliffiusoq

S 4
Piffissaq suliffiusoq

Malittarisassani § 6-imni tunngaviusumik akissaatit aalajangersakkat malissagaanni ulloq naallugu sulisuusariaqarpoq, tassa sapaatit akunneranut nal. ak. 40-t. Piffissaq suliffiusoq agguaqatigiissillugu qaammammut nalunaaquttag akunnerinik 173 1/3-nik sivisussuseqarpoq.

Imm. 2. Piffissaq suliffissaq nalinginnaasumik sapaatit akunnerani ulluni tallimani siullernut inissinneqartarpoq. Piffissaq suliffiusoq nalinginnaasumik nal. 06.00 aamma 17.00 akornanni suliffiusoq.

Imm. 3. Ullormut piffissap suliffiup iluani sulinngitsoornerit akissarsianit ilanngaatigineqassapput sulinngitsoornermi akissarsiassaralu-it amerlaqataannik. Nal. akunnera sulinngitsoorferik nalilerneqartassaaq atorfillaq nal. akunnermusiarisartagaatut sivisutigisumik, nal. Akunneranut tapiujunnartut ilanngullugit. Nalunaaquttag akunnerata affaa tikkilugu sulinngitsoorneq nalunaaquttag akunnerata affaatut naatsorsor-neqartassaaq.

Imm. 4. Sulinermut atatillugu angalanerni piffissaq angalaffiusoq suliffimmiit/suliffimmut suliffittut naatsorsorneqartassaaq. Taamaattorli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiusussaq eqqortinneqartutut isigineqarsin-naanngilaq.

Imm. 5. Sulisorli siniffissaqartinneqarpat nal. 22:00-p nal. 08:00-illu akornanni piffissaq angalaffiusoq/piffissaq suliffiusoq naatsorsuun-neqassanngilaq.

Kapitali 3 Piffissap ilaannaani atorfegarneq

§ 5

Piffissap ilaannaanut atorfinittsinneqarneq

Sulisut, piffissap ilaannaal atorfegartussatut sulisussarsiarineqartut qanoq sivisutigisumik sulisarnertik naapertorlugu qaammamusiaqartinne-qassapput.

Imm. 2. Suliffiup sivisussusianik allangortitsineq, tassungalu ilaalluni piffissap ilaannaal sulisup sulileeqqaarnerani isumaqatigiissutigine-qartumut naleqqiullugu sivitsuigallarneq, taamaallaat ulluni 3-nik siog-qutsisumik ilisimatitsinikkut pisinnaavoq.

Imm. 3. Taamatut ilisimatitsisoqanngippat nal.akunnerisa suliffigineqartut saniatigut nal.akunneranik 1-imik pissarsisitsisoqassaaq. Piffissamik suliffissamik allangortitsisoqassatillugu inuit ataasiakkaat piffissap allangortinneqartup nalaani sulinnginnissaminnik kissaataat ataqqineqartassapput.

Imm. 4. Piffissap ilaannaal atorfegartinneqartunut § 17 naapertorlugu suliartoqquneqaratarsinnaanermut tapeqartitsisoqassanngilaq.

Kapitali 4

Tunngaviusumik akissarsiat aamma qanoq sivisutigisumik sulisimaneq naapertorlugu akissarsiaqarnermi aalajangersakkat il.il.

§ 6 **Akissarsiat**

Sulisartut suliamik ilinniagallit ataani allassimasutut akissarsiat annertussusaat tunngavigalugit qaammamusiaqassapput:

skalatrin	Inissiffik	Atorfegarsimancerup sivisussusia	1. april 2022	1. april 2023	1. april 2024	1. april 2025
26	1	Ukiut 1-2	21.841,53	22.188,19	22.534,85	22.881,51
27	2	Ukiut 3-4	22.071,67	22.418,33	22.764,99	23.111,65
28	3	Ukiut 5-6	22.320,16	22.666,82	23.013,48	23.360,14
29	4	Ukiut 7-8	22.575,44	22.922,10	23.268,76	23.615,42
30	5	Ukiut 9 amerlanerillu	22.837,91	23.184,57	23.531,23	23.877,89

Imm. 2. Tunngaviusumik ilinniagallit ataani allassimasut naapertorlugit qaammamusiaqartinneqassapput:

skalatrin	Inissiffik	Atorfegarsimancerup sivisussusia	1. april 2022	1. april 2023	1. april 2024	1. april 2025
17	1	Ukiut 1-2	20.096,96	20.443,62	20.790,28	21.136,94
18	2	Ukiut 3-4	20.286,53	20.633,19	20.979,85	21.326,51
19	3	Ukiut 5-6	20.412,43	20.759,09	21.105,75	21.452,41
20	4	Ukiut 7-8	20.589,28	20.935,94	21.282,60	21.629,26
21	5	Ukiut 9 merlanerillu	20.771,86	21.118,52	21.465,18	21.811,84

Imm. 3. Sulisartut suliamik ilinniagaqanngitsut ataani allassimasut naapertorlugit qaammamusiaqartinneqassapput:

skalatrin	Inissiffik	Atorfegarsimancerup sivisussusia	1. april 2022	1. april 2023	1. april 2024	1. april 2025
7	1	Ukiut 1-2	18.725,40	18.725,40	19.245,39	19.245,39
8	2	Ukiut 3-4	18.869,64	18.869,64	19.389,63	19.389,63
9	3	Ukiut 5-6	19.017,95	19.017,95	19.537,94	19.537,94
10	4	Ukiut 7-8	19.170,64	19.170,64	19.690,63	19.690,63
11	5	Ukiut 9 amerlanerillu	19.281,29	19.281,29	19.801,28	19.801,28

Imm. 4. Mittarfeqarfiiit aallariartortarfiini sulisut ataani allassimasut naapertorlugit qaammamusiaqartinneqassapput:

skalatrin	Inissiffik	Atorfegarsimanerup sivisussusia	1. april 2022	1. april 2023	1. april 2024	1. april 2025
28	1	Ukiut 1-2	22.320,16	22.666,82	23.013,48	23.360,14
29	2	Ukiut 3-5	22.575,44	22.922,10	23.268,76	23.615,42
30	3	Ukiut 6-8	22.837,91	23.184,57	23.531,23	23.877,89
31	4	Ukiut 9-12	23.107,26	23.453,92	23.800,58	24.147,24
32	5	Ukiut 13-15	23.384,19	23.730,85	24.077,51	24.424,17
22	6	Ukiut 16 amerlanerillu	23.668,79	24.015,45	24.362,11	24.708,77

Imm. 5. Mittarfeqarfiiit aallariartortarfiini sulisut Imm. 4 naapertorlugu tiimimut tapeqartinneqassapput 9,00 kr.

Imm. 6. Ulluunerani neqeroorutini sulisut ataani allassimasut naapertorlugit qaammamusiaqartinneqassapput:

skalatrin	Inissiffik	Atorfegarsimanerup sivisussusia	1. april 2022	1. april 2023	1. april 2024	1. april 2025
11	1	Ukiut 1-2	19.107,96	19.454,62	19.801,28	20.147,94
12	2	Ukiut 3-4	19.269,09	19.615,75	19.962,41	20.309,07
13	3	Ukiut 5-6	19.434,49	19.781,15	20.127,81	20.474,47
14	4	Ukiut 7-8	19.604,45	19.951,11	20.291,77	20.644,43
15	5	Ukiut 9 amerlanerillu	19.779,07	20.125,73	20.472,39	20.819,05

§ 7

Atorfegarsimanerup sivisussusia naapertorlugu akissarsiat

Suliamik ilinniagalinnut akissarsiat qaffakkiartortarneri pineqartut ilinniagarisimasaq naapertorlugu ukiut suliffigisimasai malillugit naatsorsorneqartassapput.

Imm. 2. Suliamik ilinniagalinnut ukiut suliffiit malillugit akissarsiat amerliartornerisa naatsorsorneqarneranni siusinnerpaatut aallaaviusas-saaq qaammatip ilinniakkamik naammassinniffiup naanera.

Imm. 3. Suliamik ilinniagallit, tunngaviusumik ilinniagallit aamma ilinniagaqanngitsut, isumaqatigiissut manna naapertorlugu atorfinit-

tsinneqartut ukiut suliffiit malillugit akissarsiamik amerliartorneri
pigiinnassavaat.

Imm. 4. Sulisorisat imm. 3-mi taaneqartut inissinneqassapput sulisartut
ilinniagallit suliamillu ilinniagaqanngitsut nalunaaquattap akunner-
musiallit pillugit isumaqatigiissut naapertorlugu inissisimaffit
tulleriinnilersorneri malillugit akissarsianut, qaammamusiat sinner-
lugit qaammamusianut qaninnerpaamut (nal. akunnermusiaq tapisiat
aalajangersimasut ilanggullugit x 173,33 tiimit).

Imm. 5. Sapaatip akunnerannut agguaqatigiissillugu nal. akunneri 15-it
sinnerlugit suliffiuppata tamakkiisumik akissarsiat amerliartornerinik
pissarsisoqassaaq. Sapaatip akunneranut nalunaaquattap akunneri 15-it
inorlugit sulisarneq ukiunik suliffinnik katersinermi nallersuussilluni
naatsorsorneqartassaaq.

Imm. 6. Ukiut suliffiit malillugit akissarsiat amerliartornerisa naat-
sorsorneqarneranni qaammatinut ilivitsunngortinnejartassapput, ilan-
ngunneqassanngillalli ulluni 15-ini annikinnerusuniluunnit sulif-
figisimasat.

Imm. 7. Isumaqatigiissut una naapertorlugu sulisut Kalaallit Nunaanni
pisortat suliffeqarfiutaannit imaluunniit Namminersorlutik Oqartussat
suliffeqarfiutaannit toqqaannartumik Kalaallit Nunaanni pisortat sulif-
feqarfiutaannut imaluunniit Namminersorlutik Oqartussat suliffeqarfiu-
taannut allamut nuuttut suliaminnillu allanngortitsinatik ingerlatsiin-
nartut ukiut suliffiit malillugit akissarsiat amerliartornissaattut
katersarerikkatik attatiinnassavaat.

Imm. 8. Malittarisassanit siuliani taaneqartunit qaffasinnerusumik inis-
siisoqarsinnaavoq immikkorluinnaq pissutissaqartillugu.

Kapitali 5 Nalinginnaasumik tapit

§ 8 Persaqusersornermut tapit

Avitamik sulinermut, piffissami nal. 17.00-imuit nal. 06.00-imuit unnuarsiørnermut, arfininngornikkut nal. 14.00-ip kingornatigut aamma sapaatin ni nalliuuttunilu sulinernut Namminersornerullutik Oqartussani kommunini-lu tjenestemandinut maleruagassat atuuttut naapertorlugit tapisiaqartit-sisoqassaaq. Qaangiuttoornerli pineqarpat taamaallaat § 18 naapertorlugu qaangiuttoornersiuteqartitsisoqarsinnaavoq.

Imm. 2. Sulinnngiffeqarfiusussat annaasanut tapisiat qaangiuttoornertut tunniunneqassapput, ikinnerpaamilli nalunaaquttap akunnerinut arfini-linnut, Kalaallit Nunaanni Namminersornerullutik Oqartussani kommunenilu tjenestemandinut maleruagassat malillugit, taakkulu immikkut takussu-tissiami takuneqarsinnaapput.

§ 9 Atorfimmut immikkut ittumut tapit

§ 6 Akissarsiat taaneqartut nalinginnaasumik piumasqaatitarisaannut il.il. ilaangitsunik suliatigut, allaffissornikkut, piukkunnassut-sikkut imaluunniit allatigut immikkut inisisimasunik atorfimmi atorfinit-sisoqartillugu, atorfimmut immikkut ittumut tapit pillugit isu-maqatigiissuteqartut akornanni isumaqatigiissuteqartoqassaaq.

§ 10 Suleqatigiikkutaanik aqutsinermi tapisiat

Sulisartunut suleqatigiikkutaanik aqutsisunut tapisiaqartitsineqassaaq qaammammut 433,00 kr.-nik.

§ 11

Sannateqarnermut, ilinniaqqinnermut il.il. tapisiat

Sulisut suliamik ilinniagallit, nammineerlutik sannatisisariaqartartut taakkuninngalu aserfallatsaalialiisariaqartut qaammammut 208,00 kr.-nik tapisiaqartinneqassapput.

Imm. 2. Pilersuiffiup naqiteriviani sulisartunut ilinniagalinnut qaammammut 2.500,00 kr.-nik tapisiaqartitsisoqassaaq.

Imm. 3. Sulisartunut ilinniagalinnut pikkorissartitaqqinnermik naam-massisalinnut qaammammut 347,00 kr.-nik tapisiaqartitsisoqassaaq. Pikkorissartitsineq sivikinnerpaamik sap. akunnerinik 4-nik sivisussuse-qarpat, tapisiat qaammammut 520,00 kr.-nut amerlineqassapput.

Imm. 4. Sulisunut ukiut marluk biologassistentitut atuarsimasunut, aali-sakkerisuunertut imaluunniit pitsaassutsinut teknikeritut, Aalisakkanik tunisassiorfinni teknikerinut Pitsaassutsimut teknikerinut, aammalu la-borantitut ilinniarsimasut qaammammut 1.100,00 kr.-inik. tapisiaqartit-sisoqassaaq.

§ 12

Ingiallortitut angalanerit

Ingiallortaalluni angalanerit tassaapput sulisitsisup pisariaqartitsi-nera tunngavigalugu sulisup meeqqanik, napparsimasunik innarluutilinnil-luunniit ilaqtariinnut, paaqqinnittarfimmut, napparsimavimmut assigi-saannulluunniit inissinneqarnissaannut utertinneqarnerannullu atatillu-gu paarsisuulluni angallassinermi ataani allassimasut naapertorlugit akissarsiaqartitsisoqassaaq:

Imm. 2. Piffissaq sulisup meeqqamik/najugaqartumik akisussaaffeqarfia suliffiorpiartutut isigineqassaaq nal. akunneri aallartittut tamaasa aallaavigalugit, tak. imm. 3.

Imm. 3. Ulloq unnuarlu pigaartuunernut makku malittarisassat atuuupput: Piareersimanerup nalaani nal. akunnerinut suliffiorpiangitsunut tamanut aammalu nal. akunnerinut 8-nut siullernut suliffiorpiartunut tamanut angerlarsimaffimmi piareersimanertulli piareersimanerit akissarsiffius-sapput. Nal. akunneri 8-t sinnerlugit suliffiorpiaraangata nal. Akunnerisa aallartinneri tamaasa qaangiuttoornersisitsisoqartassaaq imaluunniit sulinngiffeqartitsisoqartassalluni. Ulloq unnuarlu piareersimaneq § 4 malillugu suliffimmut aalajangersakkamut ulloq naallugu suliffittut ilanngunneqartassaaq.

Imm. 4. Imm. 2, naapertorlugu suliffiusumut atatillugu § 11, naapertorlugu tapisisitsisoqartassaaq piffissap suliffissarititaasup iluanni pi-gaangat.

Imm. 5. Sulisoq suliffeqarfimmi nalinginnaasumit sulinerminit napparsimasumik ingiallortaanermut peqquneqarpat napparsimasumik ingiallor-taalernera piffissamit sulisut allattorsimaffianni allassimasumit aal-lartittutut isigineqassaaq tamanna ingiallortaanerup aallartinnerata si-ornatigut pippat.

Imm. 6. Ullut sulinngiffeqarfissatut pilersaarutigeriikkat ullormi aal-larfimmi tikiffimmiluunniit pisut sulinngiffissatut annaasatut akilerne-qassapput, taamatuttaarlu ullut sulinngiffeqarfissatut pilersaarutigi-neqartut ingialluinerup nalaani sulinngiffiunngitsoortut sulinngiffis-satut annaasatut akilerneqassapput.

Imm. 7. § 32 naapertorlugu ingiallortaanermi ullormusiaqartitsisoqas-saaq.

§ 13 **Pigaartuuneq.**

Paaqqinnartarfinni ulloq unnuarlu ammasuni nalinginnaasumik sulinerup avataani pigaartuuneq.

- a) Angerlarsimaffimmit pigaartuuneq nalinginnaasumik akunneranuut aningaa-sarsiarititap affaanik akissarsiaqartinneqassaaq.
- b) Ineeqqamiit pigaartuuneq nalinginnaasumik nal. akunneranuut aningaa-sarsiarititaq malillugu akissarsiaqartinneqassaaq.

Imm. 2. Pigaartuunerup nalaani qaaqquneqarnermi qaangiuttoornersiaqaqr-titsisoqassaaq.

§ 14

Asiarnerit aalajangersimasumillu sammisaqarluni angalanerit

Paaqqinnartarfinni ulloq unnuarlu ammasuni Sulisut asiarnernut, tupersimaarnernut assigisaannullu aamma aalajangersimasumik sammisaqarluni aangalaarnernut ilaasinnaapput. Asiarnerit, tupersimaarnerit assigisaallu suliffeqarfik ikinnerpaamik ullut unnuallu 2-t qimallugu allaarsi-maarnertut paasineqassapput, suliffeqarfik qimallugu aallarnermiit aal-laarsimaaqataasut suliffeqarfimmut tikeqqinnerannut piffissaq naatsor-sorneqartassalluni.

Imm. 2. Aalajangersimasumik sammisaqarluni angalanerit imatut paasine-qassapput, immikkut perorsaanermik siunertaqarluni suliffeqarfiup qimak-kallarneqarneranik, assersuutigalugu aalisariarluni piniaiarlunilu, qimusserluni il.il. sivikinnerpaamik ulluni unnuanilu 2-ni angalane-rusut, suliffeqarfiup qimanneqarneraniit aalajangersimasumik sammisa-qarlutik angalanermut peqataasut suliffeqarfimmut tikeqqinnerannut naat-sorsuunneqartussat.

Imm. 3. Immikkoortuni 4-miit 10-mut maleruagassat taaneqartut suliamik ilinniagaqanngitsunut aallaarsimaarnernut, tupersimaarnerntut assigisa-annullu aamma aalajangersimasumik sammisaqarluni angalanernut peqata-asunut atuupput.

Imm. 4. Maleruagassani pineqarput suliamik ilinniagaqanngitsut tamarmik suliffeqarfimmi sulisooreersut aamma suliamik ilinniagaqanngitsut aalla-

arsimaarnermut imaluunniit aalajangersimasumik sammisaqarluni angala-
arnermut peqataanissaat immikkut siunertaralugu sulisitaasut.

Imm. 5. Nalinginnaasumik suliffissap iluani piffissap suliffiup naatsor-
suusiorneqarnerani ullut aallaarsimaarfii/aalajangersimasumik sammisa-
qarfiiit ullormut nal. akunnerinik 11-nik naatsorsorneqartassapput.

Imm. 6. Ullut sulinngiffeqarfissat suliffigineqartulli taartisissutigi-
tinneqartassapput, pingaarcerpaamik taarsiullugu sulinngiffeqartitsi-
nertut. Sapaatip akunneranut aamma nalliuuttunut ulloq sulinngiffeqarfis-
saq suliffigisariaqagaq ataaseq kisiat taartisissutigitinneqarsinna-
voq. Ullut sulinngiffeqarfissat suliffigisariaqakkat aningaasarsiffigi-
neqassappata taakku ullormut sulinngiffeqarfimmut nal.akunnerini 40-ni
nal.akunnerinik 8-nik akilerneqassapput aamma ullormut sulinngiffeqar-
fimmut nal.akunnerini 64-ini nal.akunnerinik 16-inik akilerneqassallu-
tik.

Imm. 7. Piffissaq suliffiusussaq pillugu maleruagassat allat soorlu qaa-
ngiuttoornermut, suliartoqquneqaratarsinnaanermut, arfininngornikkut
nal. 14.00 kingornatigut sulinermut, sapaatini nalliuuttunilu sulinermut
aamma suliamut atatillugu angalanerit nalaanni piffissap suliffiup naat-
sorsorneri atorunnaarsinnejarpput.

Imm. 8. Aallaarsimaarnernut, tupersimaarnernut assigisaannullu peqataa-
nermut akiliutit 1. april 1991-imiit ulluinnarni 186,00 kr.-nik toq-
qammaveqarput, arfininngornerni aammalu sapaatini nalliuuttunilu 271,00
kr.-nik toqqammaveqarlutik. Akissarsiat tunniunneqartut immikkut ta-
pitut, Naalakkersuisut Atorfilla Kattuffiatalu akornanni isumaqatigiis-
sut naapertorlugit iluarsartuussivigeqqitaapput.

Imm. 9. Aalajangersimasumik sammisaqarluni angalaarnernut peqataanermut
akiliutit 1. april 1991-imiit ulluinnarni 400,00 kr.-nik, toqqammave-
qarput arfininngornerni aamma sapaatini nalliuuttunilu 600,00 kr.-nik
toqqammaveqarlutik. Akissarsiat tunniunneqartut immikkut tapitut, Naa-

lakkersuisut Atorfillit Kattuffiatalu akornanni isumaqatigiissut naaper-
torlugit iluarsartuussivigeqqitaapput.

Imm. 10. Aallarsimaarnerni aalajangersimasumillu sammisaqarluni angala-
nerni § 32 naapertorlu gu ullormusiaqartitsisoqartassaaq.

S 15

Meeqqanik inersimasunillu immikkut pisariaqartitsisunik suliaqarnermut tapit

Sulisunut, immikkut pisariaqartitsisunut attuumassuteqartunut imalu-
unniit immikkut pisariaqartitsisunik suliaqartunut akissarsiat nalingin-
naasut saniatigut immikkut tapeqartitsisoqassaaq 350,93 kr.

Imm. 2. Piffissap suliffiup ilaannaani sulisartunut tapisiat sulisut na-
lunaaquttap akunnerinut suliffigisartagaanut naleqqiullugit ilanngarne-
qartassapput. Qaammatip ingerlanerani suleqatigiinni immikkut pisaria-
qartitsisoq ilaajunnaartillugu tapisiat qaammatip naanerani atorunnaar-
sinneqassapput.

Imm. 3. Imm. 1 naapertorlu gu tapisiaqartitsisoqartassaaq innarluute-
qartup timimigut eqqarsartaatsimigut, oqalunniarnermigut aalaatsimigul-
lu annertuumik amigaateqarnera paasineqarsinnaallunilu taamaalilluni in-
narluutilik kommunip, DSA-lu akuersineratigut innarluutilip paarine-
garneranut isumagineqarneranullu atatillugu immikkut suliniutinik aal-
lartitsisariaqalerpat.

Imm. 4. Taamatuttaaq imm. 1 naapertorlu gu tapisiaqartitsisoqassaaq meeql-
qap pissusilersornera imatut ippat, pineqartup peqqissusiata toqqissisi-
manerisalu illersorneqarnissaat pisariaqartinneqararluni taamaalilluni
tamanna pissutigalugu kommunip akuersineratigut innarluutilik immikkut
sissuerneqartariaqalerluni.

§ 16

Stationeqarfinni avinngarusimasuni sulisut

Ikerasassuarmi Danmarkshavnimilu stationeqarfinni sulinermut tapisiat pillugit kaajallaasitaq naapertorlugu tapisiaqarfissatut aalajangersa-vigisani sulisut Kalaallit Nunaanni stationeqarfinni avinngarusimasuni suliamik immikkut ilinniagallit pillugit ileqqoreqqusami aalajangersak-kanit ukunannga pineqarput:

- a) Tamanna pillugu kaajallaasitaq naapertorlugu stationimiinnermi tapisiat
- b) atorfinainnermi soraarnermilu akiliunneqarluni angalanerit
- c) sulinngiffegarnermut atatillugu akiliunneqarluni angalaneq
- d) nerisaqarneq ineqarnerlu
- e) nakorsamit kigutilerisumillu isumagineqarneq
- f) immikkut pisussaaffit (peqqissutsimik misissortinneq, pikkoris-sarnerit)

Imm. 2. Kangerlussuarmi Narsarsuarmilu sulisartut isumaqatigiissut 8. juni 1991-imeersoq naapertorlugu 31. marts 1995-imi maqaasinaveeqquitit qaammammut 700,00 kr.-nik tapisiaqareersut tapisiat taakku inummut nam-minermut aaqqissuussinertut pigiinnassavaat atorfefqartitaanertik atuuk-kallartillugu.

§ 17

Suliartoqquteriataarnissamut tapit

Atorfinni, sulisunik qaangiuttoorneri nakkutigineqarsinnaanngitsunik sulilersitsinermi qaangiuttoornersianut aamma persaqusersornermut tapi-nut taarsiullugu suliartorasuarsinnaanermut tapisiaqartitsisoqarsinnaa-voq.

Imm. 2. suliartorasuarsinnaanermut tapit annertussusaat isumaqatigiissu-teqartut akornanni isumaqatigiinniareernikkut aalajangersarneqartas-saaq.

Imm. 3. suliartorasuarsinnaanermut tapit atorfimmum allamut nuunnermi peerneqartassapput.

Imm. 4. Atorfimmi suliassat allanngortinneqartillugit suliartoratarsin-naanermut tapit isumaqatigiissutiginiarneqaqqissapput.

Kapitali 6 Sulineruneq

§ 18 Qaangiuttoorneq

Qaangiuttoornerit sapinngisamik pinngitsoorniarneqassapput. Peqquneqar-luni nakkutigineqartumillu atorfefarfimmi piffissap nalinginnaasumik su-liffiup avataatigut sulinerni nal. akunnermusiaq 50 %-imik ilaneqassaaq.

Imm. 2. Nalunaaquttap akunnermusiaq ukiumut akissarsiassap 1/2080-iatut naatsorsorneqassaaq, takuuk § 6.

Imm. 3. Sulisut suliamik ilinniagallit nakkutigineqarsinnaanngitsumik nakkutigiuminaatsumilluunniit qaangiuttoortartut qaangiuttoornersianut persaqquusersorneqaatisianullu taarsiullugu § 17 naapertorlugu suliartoratarsinnaanermut tapisiaqartinneqarsinnaapput.

Imm. 4. Sulisoq qaangiuttooqquneqassappat tamanna ullormi pineqartumi ullup suliffiup naanissaa nal. akunnerinik 5-inik sioqqullugu ilimasa-arutigineqareersimassaaq.

Imm. 5. Ilisimatitsineqanngippat qaangiuttoornerlu nal. akunneri 2-t sinnerlugit sivisussuseqarpal nal. akunnerisa qaangiuttoorfiiit saniati-gut qaangiuttoornersiffissat nal. akunneranik ataatsimik ilaneqassapput.

Imm. 6. Ullormut suliffissap nalinginnaasup avataatigut qaangiuttoor-nerit sivikinnerpaamik nal. akunneri sisamaappata taakku suliffioreersut saniatigut qaangiuttoornersiamik nalunaaquttap akunneranik ataatsimik ilaneqassapput.

Imm. 7. Suliffiup nalinginnaasup avataatigut sulisoq suliartoqquneqarpat minnerpaamik nal. akunneri sisamat tunniunneqassapput.

Imm. 8. Sulisunut ilinniagallinnut suliffiup nalinginnaasup avataatigut angerlarsimaffimmi piareersimaqquneqartunut, nal. akunneranut 20,00 kr. Akiliutigineqassapput. Tamatuma saniatigut imm. 7 naapertorlugu akiliuteqartoqarsinnaanngilaq, angerlarsimaffimmi piareersimanermi qaaqquneqarnermut atatillugu piffissaq suliffik kisimi akissarsissutaasinnaamat.

§ 19

Qaangiuttoorsimanermut taarsiullugu sulinngiffeqarnerit

Qaangiuttoornerit isumaqatigiissummi § 8 naapertorlugu sulisut sulisitisullu isumaqatigiinnerisigut tamakku akissarsissutiginissaannut taarsiullugu sulinngiffeqaataasinnaapput.

Imm. 2. Qaangiuttoornersiassaagaluanut taarsiullugu sulinngiffeqarnermi qaangiuttoornermi akissarsiassat 50%-nik ilallugit qaangiuttoornersiassaagaluanut naapertuuttunik sulinngiffeqaataassapput.

Imm. 3. Qaangiuttoorneq sulinngiffeqaataasinnaalissaq qaangiuttoornermi nal. akunnerata affaata aallartinneri tamaasa. Sulinnginnerup qaqugu pinissaa sulisup sulisitsisullu akornanni suliffik mianeralugu sulisullu kissaatigisai naapertorlugit aaqqissuunneqassaaq.

Kapitali 7 **Atorfinnermi immikkut piumasaqaatit**

§ 20

Atorfinnermi soraarnermilu akiliunneqarluni angalasarnerit

Sulisussarsiorluni allagarsiussinermi ineqartitsisogarnissaa ilanngunneqarsimappat imaluunniit atorfimmuit atatillugu inip/illup najornissaanut pisussaaffeqaraanni Danmarkimi imaluunniit Kalaallit Nunaanni na-

jugarisap akornanni pequtit nassiunnerat aamma atorfinititsitaanermut ata-tillugu.

Imm. 2. Atorfinitinnermut aamma atorfimmit soraarnermut atatillugu aki-liunneqarluni angalaneq uku tunngavigalugit ingerlanneqassaaq [NAL 4-1-48 - Aftale om frirejser](#) kapitali I kapitali IV.

Imm. 3. Nuunnermut atatillugu pisattat angallanneqarnerani [NAL 4-1-46 - Aftale om flyttegodtgørelse.](#)

Imm. 4. Soraarnermut atasumik soraarnermi akiliunneqarluni angalanissa-mut peqtillu nutsernissaanut pisinnaatitaaffik atorneqassaaq, taamaan-ngippat tassunga pisinnaatitaaffik atorunnaassaaq.

§ 21

Nassatat angallannerinut akiliussineq

Isumaqtigiissutini § 20 naapertorlugu akiliunneqarluni angalanernut tunngatillugu nassatassat billetimi allassimasut kisimik nassarneqar-sinnaapput.

§ 22

Kalaallit Nunaanni akiliunneqarluni angalanerit

Nunatsinni namminermi nuunnissaq qinnutigisimagaanni imaluunniit peqqus-sutigineqarsimappat, najugaqarfiup atorfeqarfissallu akornanni angala-nermut atatillugu akiliussisoqartarpoq.

§ 23

Angalanermi sillimmasiineq (angalanermut atatillugu ajutooratarsinnaanermut- aamma nassatanik sillimmasiineq)

Isumaqtigiissummi aalajangersakkat naapertorlugit angalanerni sulisoq - ilaquaannngitsulli - ataatsimoorluni angalanermi sillimmasiineq pillu-gu qaqugukkulluunniit atuuttunut aalajangersakkanut ilaavoq.

§ 24

Ineqarneq

Atorfinnik inuttassarsiuussinerni ineqarneq pillugu makku nalunaaruti-gineqartassapput:

- a) sumiiffimmi malittarisassat sukkulluunniit atuuttut malillugit inissaqartitsisoqassasoq, imaluunniit
- b) inissaqartitsisoqanngitsoq, imaluunniit
- c) atorfimmum atatillugu pisussaaffeqartoq suliffimmum atatillugu inigisassaatitaasumik ineqartussaavoq.

Imm. 2. Atorfinitssinneqartup inissiaq innersuunneqartoq najugariumangippagu, inissiamik allamik innersuussisoqarsinnaanngilaq.

§ 25

Nassiussanik - aamma pisatanik nutserisartunik sulisitsisup qinigaqarsinnaanera.

Isumaqtigissutini malittarisassat, sulisitsisup nassiussineq pisattanillu nutserisartoqarneq pillugu qinigaqarsinnaanera atuuppat taamaallaat atuutissapput.

§ 26

Atorfimmum atatillugu najugaqarnermi akiliut

Sulisunut inissianut innersuunneqartunut, Namminersorlutik Oqartussat kommunillu Kalaallit Nunaanni illuutaanni ineqarnermut akiliutaasartut pillugit malittarisassat sukkulluunniit atuuttut naapertorlugit, ineqarnermut akiliuteqartoqartassaaq.

Imm. 2. Inissiamik innersuunneqarsimasumik sumiginnaasoqarpattattartornermik atorunnaarsitsinermik kinguneqartumik, inissiamik allamik innersuussisoqassanngilaq.

§ 27

Atorfimmum atatillugu najugaqarnermi akiliut

Sulisut sulisunut inissiani najugaqartut ineqarnermut tapinik akiliisasapput NAL 5-1-9 – Aftale om tjenesteboliger i Grønland naapertorlugit.

§ 28

Tapit pillugit isumaqatigiinngitsoqartillugu aaqqiissutissaq

Isumaqatigiissut una malillugu sulisut § 17-mi, tapisiat taaneqartut saniatigut allanik tapisiaqarsinnaanersut nalornissutigineqalerpat, tamannalu pillugu sulisut sinnisaat aqqutigalugu saaffiginninneq naammaginartumik aaqqinneqanngippat suliassaq aaqqiagiinngissutit tunngaviusumik isumaqatigiissut naapertorlugu suliarineqarsinnaavoq.

Kapitali 8

**Atorfimmum atatillugu angalanermi malittarisassat
malunnaatilimmik aningaasartuutaanerusut**

§ 29

**Atorfimmum atatillugu angalanermi piffissap angalanerup
sivisussusianik ilanngussinernut malittarisassat**

Najugarisaq qimallugu sulilluni angalanermi piffissaq angalaffik ilanngullugu sulinertut naatsorsunneqartassaaq. Piffissalli angalaffiusup kingunerisaanik ullormi pineqartumi piffissap suliffiusussap ileqquusumik naammassineqarsimanginneratut isigineqassanngilaq. Ullup suliffiusup avataatigut angalaneq qaangiuttoorneruvoq.

Imm. 2. Sulisorli siniffissaqartinneqarpat nal. 22.00-p nal. 08.00-illu akornanni piffissaq angalaffiusoq/piffissaq suliffiusoq naatsorsunneqassanngilaq.

§ 30

**Sulisilluni angalanermi ulluni sulinngiffeqarnissat pillugit
malittarisassat**

Sulisilluni angalanermi angerlarsimaffigisap avataani unnuineremi atorfinitrinneqarsimasut nalinginnaasumik sulinngiffeqartassapput aamma ulluni sulinngiffeqartassapput NAL 4-1-24 - Aftale om godtgørelse af merudgifter ved tjenesterejser i Grønland og Danmark.

§ 31

**Sulisilluni angalanermi aningaasartuuteqarnerulernermut
taarsiissuteqarfingineqarnissaq**

Kalaallit Nunaata aamma Danmarkip akornanni sulisilluni angalanerni aningaasartuutaanerusut NAL 4-1-24 - Aftale om godtgørelse af merudgifter ved tjenesterejser i Grønland og Danmark.

§ 32

Ullormusiat

Nerinernut pisariaqartitanullu annikitsunut il.il. aningaasartuutaane-rusunut matussutissat ullormusiaqaataassapput. Ullormusiassanik naatsorsuinerit akiliinerillu NAL 4-1-24 - Aftale om godtgørelse af merudgifter ved tjenesterejser i Grønland og Danmark - naapertorlugit pissapput.

§ 33

Unnuarsiornermi tapit

Angerlarsimaffigisap avataani unnuinermi aningaasartuutit ilaannik ajunngitsorsiassaqartitsinermi unnuinermi tapit tunniunneqassapput. Unnuinermi tapinik naatsorsuineq tunniussinerlu NAL 4-1-24 - Aftale om godtgørelse af merudgifter ved tjenesterejser i Grønland og Danmark - naapertorlugit pissapput.

Kapitali 9

Sulinngikkallarneq, feeriarneq immikkullu pisussaaffiit

§ 34

Sulinngiffeqarsinnaatitaaneq

NAL 8-1-81 - Aftale om arbejdstid og merarbejde for tjenestemænd kapitali III naapertorlugu malittarisassat malillugit sulinngiffeqarsinnaatitisoqarlunilu ulluni sulinngiffeqartitsisoqassaaq.

Imm 2. ulluni ataani allassimasuni ullutut nalliuttutut (sapaassuit) isigineqassapput, tassani sulisoq qukaani taaneqartutut isumaqatigiissuteqareernikkut akissarsiaqarluni sulinngiffeqarsinnaatitaalluni:

- a) Ilagiiit naalagaaffimmit tapesersorneqartut nalliuttui

- b) Juulliaraq,
- c) Ukiutoqqaq,
- d) Kalaallit inuiattut ullorsiorfiat 21. juni
- e) Kunngit Pingasut Ulluat (nal. 12.00-ip kingorna)
- f) 1. maj (nal. 12.00-ip kingorna)

§ 35

Qinikkatut pisortanillu toqqakkatut suliassaqartitaaneq

Sulisut qinikkatut pisortanillu suliassaqartitaanerit pillugit qinikkatut pisortanillu toqqakkatut suliaqarneq pillugu nalunaarut sukkuluunniit atuuttoq naapertorlugu sulinngiffeqarsinnaatitaapput.

Imm. 2. Imm. 1 malillugu suliffigisamiit qimagusimaneq piffissami nalinginnaasumik suliffiusussaagaluami ilinniagaqarsimasunut aamma ilinniagaqarsimangitsunut isumaqatigiissutit malillugit qaangiuttoornersiarfissaq sioqqullugu pisoq sumiginnaanertut isigineqassanngilaq. Suliffimmiit qimagusimanissaq sapinngisamik sioqqutsilluarluni sulisitsisumut nalunaarutigineqassaaq.

Imm. 3. Pisortanit suliassaqartitaaffinni allani SIK-p immikkoortortaqrifiini siulersuisuni imaluunniit SIK-p siulersuisuunerini ilaasortat pisortat oqartussaasoqarfiinit piumaffigineqarneq tunngavigalugu ilaasortaaffigineqartut imm. 1-mi 2-milu malittarisassat tunngavagineqasapput.

Imm. 4. SIK-p siulersuisuuner, SIK-p Inuuusuttaasa Siulersuisuinut ilaasortat, ataatsimeersuarnerni, nakutilliisoqarfeqarnerani peqataanermut atatillugu SIK-p siulersuisuunerinut aamma SIK-p Inuuusuttaasa siulersuisuinut ilaasortat, aningaasarsiaqarlutik sulinngiffeqarsinnaatitaapput amerlanerpaamik ukiumut sisamarlarlutik.

Imm. 5. SIK-p Peqatigiiffiini siulersuisut, SIK-p siulersuisuunerini aamma SIK-p Inuuusuttaasa Siulersuisuinut ilaasortat, akissarsiaqaratik sulinngiffeqarnissartik kissaatigippassuk tamanna akuerineqartariaqarpoq. Taamatut sulinngiffeqartoqarsinnaavoq ukiut ataasiakkaarlugit.

§ 36

Qanigisat perulunnerat aamma/imaluunniit toqunerat ilisaanerallu

Qanigisat napparsimarulunneranni aamma/imaluunniit toquneranni ilisaanerannilu sulisoq NAL 4-1-37 - Aftale om friejse og tjenestefrihed i forbindelse med nære pårørendes alvorlige sygdom og/eller død og begravelse.

Imm. 2. Malittarisassani akiliunneqarluni angalanissamut sulinngiffeqarnermullu qinnuteqaatit tamarmik pineqartup immikkoortortaqarfianut tunniunneqassapput tassanilu suliarineqassallutik.

§ 37

Meerarisap napparsimanerani napparsimmavimmullu unitsinnejnarnerani sulinngiffeqartarnerit

Meeqqap napparsimasup paarinissaanut sulisoq akissarsiaqartillugu sulinngiffeqartinneqassaaq.

Imm. 2. Akissarsiaqaatigalugu sulinngiffeqassagaanni tullinnguuttut makku naammassineqarsimasariaqarput:

- a) Ulloq taanna tassaavoq meeqqap napparsimaffigisaa siulleq
- b) Meeqqap atugai pissutigalugit pisariaqartitsilerneq
- c) Suliffimmi pissutsit tamanna ajornartinngippassuk sulinngiffeqarneq akuerineqassaaq.
- d) Meeraq angerlarsimappat

Imm. 3. Aaqqissuussineq atornerluinermi sulisunut ataasiakkaanut atortussajunnaarsinnejqarsinnaavoq.

Imm. 4. Meerarisap 0-niit 16-inut ukiullip napparsimmavimmut unitsinnejnarnerani imaluunniit illoqarfingisap avataani unitsinnejnarnerani qaammatisiutini ullut aqqaneq-marluk tikillugit sulisoq akissarsiaqartillugu sulinngiffeqartinneqarsinnaavoq. Illoqarfingisap avataani napparsimmavimmut unitsitsisoqassappat akissarsiaqaatigalugu sulinngiffeqarnermini sulisoq peqqinnissaqarfiup angalaqataasutut akiligaannik meeqqap napparsimmavimmut unitsinnejnarnerani angalaqataassaaq. Meeqqap unitsinnejnarnera aamma angajoqqaat immaqalu angalaqataasup napparsimmavimmut unitsinnejnarnerat uppernarsarneqassaaq, napparsimmavimmut unitsitsineq il-

loqarfigisami illoqarfigisamiunngitsorluunniit pigaluarpat apeqqutaa-tinnagu.

Imm. 5. Imm. 4-mi aalajangersagaq aamma atuutsinnejarsinnaavoq meeqqap angerlarsimaffimmi uninngatinneqarnerani, tamanna nakorsap innersuuus-sinerippagu.

Imm. 6. Immikkut illuinnartumik pissutissaqartillugu nakorsamillu upper-narsarnejarpas sulinngiffegarneq sivitsorneqarsinnaavoq ullaat 5 tikillu-git.

§ 38

Naartuneq, ernineq meeravissiartaarnerlu

Suliassaqarfimmi inatsisit sukkulluunniit atuuttut naapertorlugit suli-soq naartunermi, erninermi meeravissiartaarnermilu sulinngiffegartusaatitaavoq.

Imm. 2. Sulisoq naartunermi, erninermi meeravissiartaarnermilu Inatsisartut inatsisaat nr. 5, 19. november 2020-meersoq naapertorlugu sulinngiffegarsinnaatitaanermut ullormusiaqarsinnaatitaanermullu pisinnaati-taaffegaruni sulinnginnissaminut aningaasarsiarisani aningaasarsiaralu-git sulinngiffegarsinnaavoq.

Takussutissiaq una meeqqamik ataatsimik naartunermi erninermilu akis-sarsiaqluni sulinngiffegarsinnaatitaanernik takutitsisuuvvoq***:

Anaanaasoq	Ataataasoq/anaanaaqataasoq
Erninissaq sapaatit akunnerinik sisamanik sioqqullugu (naartunermi sulinngiffegarneq)	
Erninerup kingorna sapaatit akunneri 15-it (erninermut atatillugu sulinngiffegarneq)	Erninerup kingorna sapaatit akunneri pingasut (ataataasutut sulinngiffegarneq) *
Angajoqqaatut sapaatit akunnerini 21-ni sulinngiffegarneq**	Angajoqqaatut sapaatit akunnerini 21-ni sulinngiffegarneq**

- * Ataataasoq meeqqap inunngorneraniit sapaatit akunnerini siullerni 15-ini ataataasutut sulinngiffeqassaaq meerartaarneq.
- ** Angajoqqaatut sulinngiffeqarneq angajoqqaat akornanni agguarneqarsinnaavoq, angajoqqaalli marluullutik ataatsikkorlutik angajoqqaatut sulinngiffeqar-sinnaanngillat.
- *** Marlulinermi imaluunniit amerlanerusunik ataatsikkut meerartaarnermi anaa-naasup sulinngiffeqarfia sapaatit akunnerinit 15-init sapaatit akunnerinut 19-inut sivitsorneqassaaq angajoqqaatullu sulinngiffeqarneq sapaatit akun-nerinit 21-init 25 -nut sivitsorneqarluni.

§ 39

Napparsimaneq

Sulisoq napparsimanini pissutigalugu sulisinnaanngippat, taassuma kingu-neranik sulinnginneq inatsisinik unioqqutitsinani sulinnginnertut isigi-neqassaaq, sulisoq sulinermini piaaraluni mianersuaalliorujussuarluni- luunniit napparsimalersimanngippat imaluunniit atorfininnermi salloqit-taalluni napparsimanini nipangiusimasimanngippagu.

Imm. 2. Sulisoq qaammatini tulleriiginnarni aqqaneq marlunni katillugit ullut 120-ini napparsimanermini akissarsiaqarsimappat, qaammatip naane-ranut, siumut ilisimatitsereerluni soraarsitsisoqarsinnaavoq:

Atorfefarfimmi ataatsimi	Ukini 0-5	Qaammat ataaseq
Atorfefarfimmi ataatsimi	Ukiuni 6-8	Qaammatit pingasut
Atorfefarfimmi ataatsimi	Ukiuni 9 sivisunerusumilu	Qaammatit sisamat

Imm. 3. Soraarsitsineq aatsaat atortuutinnejassaaq pineqartoq suli nap-parsimatillugu ullut 120-it qaangiunniariartut soraarsitsisoqarsimappat, soraarsitsinerlu atortuuinnassaaq soraarnissamik ilisimatitsineqa-reerneratigut pineqartoq suliffiminut uteraluarpalluunniit.

Imm. 4. Kisiannili imm. 2-mi aalajangersagaq malillugu atorfefarnermit soraarsitsisoqarsimappat, atorfinitseqqittooqartariaqarpoq inuk pine-qartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinnejqarpat.

Imm. 5. Napparsimaneq nakorsap uppernarsaaneratigut uppernarsarneqar-nissaa piumasarineqarsinnaavoq.

Imm. 6. Nakorsat uppernarsaataat imm. 4 malillugu piumasarineqartut sulisitsisumit akilerneqassapput.

§ 40

Feeriarneq feeriarnersiuteqarnerlu

Sulisoq ukiumoortumik akissarsiaqaatigalugu feeriartarneq pillugu inatsit sukkulluunniit atuuttoq naapertorlugu akissarsiaqaatigaluglu feeriarsinnaavoq.

Imm. 2. Sulinngiffeqartarneq pillugu Inatsisartut Inatsisaat nr. 10. 12. november 2001-meersuni § 2 naapertorlugu malittarisassat immikkut ittut ataa-ni allassimapput:

Imm. 3. Sulisunut Inatsisartut Inatsisaat nr. 10. 12. novemberimeersuni § 2 naapertorlugu sulinngiffeqarusuttut Inatsisartunut sulinngiffeqarnermi ajunngitsorsiassaat akissarsiat 12.5 %-tut naatsorsorneqassaaq. Feeriarnermi ajunngitsorsiat ukiumut aningaasarsianit naatsorsorneqassapput.

Imm. 4. Soraarnermi aningaasarsiat 12,5 %-ii sulinngiffeqarnersiutissa-t tunniunneqassapput.

Imm. 5. Sulinngiffeqarnersiassanik pisassanik piumasaqarneq sulisitsisumut saqqummiunneqassaaq ukiup sulinngiffeqarfissap qaangiunnerani kingusinnerpaamik qaammatit 3 kingorna. Taamaanngippat aningaasat Sulinngiffeqarnermut Aningaasaateqarfimmut nakkassapput, takuuk Sulinngiffeqarnermut Aningaasaateqarfik pillugu isumaqatigiissummut tapiliussaq.

§ 41

Atorfimmi qaffasinnerusumi suligallarneq

Sulisoq isumaqatigiissut manna naapertorlugu qaffasinnerusumi suligallassappat kiisalu minnerpaamik ulluni ataannartuni 15-ini sulippat, pif-fissami pineqartumi tapisiaqartinneqassaaq. Tapisiat soraarnerussutisi-aqataasinnaanngillat.

Imm. 2. Atorfimmik qaffasinnerusumik ingerlatsineq feriarnerinnarmik pissuteqarpat, sulisoq aatsaat tapisiaqartinneqarsinnaavoq suliffigisaq minnerpaamik ullut ataannartut 15 taartaanermi atorneqarsimappata.

Imm. 3. Tapisiat naatsorsorneqassapput sulisup atorfimmi taartaaffimmini sulinermi nalaani akissarsiat tapisiallu ilanggullugit aamma nammineq sulinermi assigiinngissutaat naapertorlugit.

§ 42
Nipangiussisussaatitaaneq

Sulisoq atorfimminut atatillugu ilisimalikkani pillugit nipangiussisi-massaqa, isertuussinissarlu pisumi nalinginnaasumik piumasarineqarpat imaluunniit sulisitsisumit sulianik suliarinnittarnermut inatsimmi nipangiussisimannittussaatitaaqqueneqaraanni, takuuk sulianik suliarinnin-nermi inatsimmi nipangiussisussaatitaaneq pillugu aalajangersakkat suk-kulluunniit atuuttut.

Imm. 2. Nipangiussimannittussaatitaaneq suliunnaarnermi atorunnaartan-ningilaq.

Kapitali 10
Akissarsisitsineq

§ 43
Aningaasarsiat aningaasarsiallu allanngorartut il.il.
tunniunneqartarnerat.

Akissarsiat tapillu qaamatikkuutaartumik kingumoortumik tunniunneqartassapput. Peqatigisaanillu sulisitsisup pineqartup atorfillaip soraarninngornissamut akilersuutai sulisullu nammineq akilersuutai SISA-mut akiliutigissavai, § 44 takuuk.

Imm. 2. Akissarsiat il.il. qaammatit naaneri tamaasa akissarsianut kontumut sulisup nunatsinni Danmarkimiluunniit aningaaserivimmut toqqartus-saatitaaffigisaanut innersunneqartassapput, NemKonto sulisitsisumi nalunaarsorneqareersimannngippat.

Imm. 3. Tapisiat allanngorartut, soorlu unnuarsiornermut tapisiat, qaa-
ngiuttoornersiat il.il. amerlassutsit aningaasanik akiliuteqarnerup na-
laani atuuttut malillugit naatsorsorneqassapput. Piffissaq naatsorsuusi-
orfiusoq aammalu akiliuteqarfissaq suliffeqarfimmi aalajangiiffigine-
qartassaaq.

§ 44

Soraarnerussutisiassanut akiliutissat taakkulu akilerneqartarneri

Isumaqtigiissut malillugu sulisup 18-nik ukioqalereersimasumut soraar-
nerussutisiaqalernissaanut isumaqtigiissummi matumani akissarsiat
paragrafini tunngaviusumik akissarsiat taaneqartut 11,66, %-ii sulisit-
sisup akilertassavai.

Imm. 2. Akiliutigineqartup agguataarlugu pingajorarterutaa sulisumut pi-
gitinneqarpooq sulisitsisumullu pingajorarterutaata aappaa pigitinneqar-
luni. Soraarnerussutisiaqartitsisoqartassaaq soraarnerussutisiaqaler-
nissamut aaqqissuussinermi malittarisassatut aalajangersakkat naaper-
torlugit.

§ 45

Toqukkut qimagaanersiutit

Sulisoq atorfegarnermi nalaani toqusimappat aappaanut katissimanngikka-
luarluguluunniit inooqatigisaanut qitornaanut 18 inorlugit ukiulinnut
qimagaasunut toqusup pilersugarisimasaanut qimagaanersiutit ataani al-
lassimasut naapertorlugit tunniunneqassapput:

Atorfegarfimmi ataatsimi.	Ukioq siulleq	Qaammammut akissarsiat ataatsit
Atorfegarfimmi ataatsimi.	Ukiut tulliuttut marluk	Qaamatini marlunni akissarsiat
Atorfegarfimmi ataatsimi.	Ukiut tulliuttut pingasut.	Qaamatini pingasuni akissarsiat

Kapitali 11 **Atorfegarnerup atorunnaarnera**

§ 46

Soraarnissamik/soraarsitsinissamik ilimasaarineq il.il.

Atorfegarnermi qaammatini pingasuni siullerni siumut nalunaaruteqarluni soraarsitsinermi uku atuupput: Sulisitsisoq ullunik arfineq pingasunik (ullunik suliffinnik tallimanik) siumut nalunaaruteqarlutik ullormut sumulluunniit soraarsitsisinnaavoq sulisorlu soraarsinnaalluni.

Imm. 2. Qaammatini pingasuni atorfegareernermi sulisitsisup tungaaniit imatut siumut ilisimatitsereerluni soraarsitsisoqarsinnaavoq:

- a) Atorfininnerup kingorna qaammatini arfinilinni siullerni qaammammik ataatsimik ilisimatitsereerluni qaammatip naaneranut
- b) Atorfinitstaanermiit qaammatit arfinillit sinnerlugit sulereersumut qaammatip naanerani soraarnissaq qaammatinik pingasunik siogqullugu.
- c) Taassuma kingorna ukiut atorfegarnerit pingasukkaarlugit siumut ilisimatitsereerluni soraarsitsisinnaanerit qaammammik ataatsimik ilaneqartassapput, kisiannili annerpaamik qaammatini arfinilinni.

Imm. 3. Qaammatini pingasuni atorfegareernermi sulisoq siumut ilasimatitsereerluni soraarsinnaavoq:

- a) qaammat ataaseq qaammatip naaneranut.

Imm. 4. Sulisitsisup sulisullu soraarsitsinissamik soraarnissamillu siumut nalunaarutaat allaganngorlugu tunniunneqassaaq.

§ 47

Isumaqtigiajungissutit kinaassusersiortumillu soraarsitsinerit
Isumaqtigiajungissutit suliarineqartassapput aaqqiagiainngissutit suliarineqartarnissaannik tunngaviusumik isumaqtigiajungissutit aaliangersakkat naapertorlugin.

Imm. 2. Inunnik ataasiakkaanik soraarsitsisinnaaneq atorneqaraangat tamanna kinaassusersiornermik tunngaveqartassanngilaq. Tamanna pillugu

apeqqutit aaqqiagiinngissutit suliarineqartarnissaannik tunngaviusumik isumaqatigiissummi aalajangersakkat naapertorlugit suliarineqartassapput.

§ 48
Akissarsiat katiterneri

Akissarsiat § 6-imi imak katitigaapput 1. april 1991-imi tunngaviusumik aningaasarsianik aammalu tunngaviusumik aningaasarsianut tapiliussamik. Tunngaviusumik akissarsianut tapeq 1. april 2002-mi 16,4789 %-ivoq. Skalami akissarsiat iluarsiissutitaqanngitsumik koruuninngorlugu tapi-liussamik qaffaavagineqassapput ataanni qaffaatit allassimasut najoqqu-taralugit:

	ilinniagallit	Ilinniagaqanngitsut	Ukiumut akissarsianik nalimmassaaneq
1. april 2022	346,66	519,99	4.159,92
1. april 2023	346,66	0	4.159,92
1. april 2024	346,66	519,99	4.159,92
1. april 2025	346,66	0	4.159,92

Kapitali 12
**Ikaarsaariarnermi malittarisassat aamma isumaqatigiissutip
piffissaq atuuffissaa**

§ 49
Ikaarsaariarnermi aaliangersakkat

Ikaarsaariarnermi aaliangersakkat ataani allassimasut suli atuupput.

Siornatigut § 39

Sulisut 31. marts 1995 killigalugu isumaqatigiissut 13. juli 1993-meersoq tunngavigalugu atorfekartinneqartut, isumaqatigiissummi taane-qartumi § 23, imm. 1, "sulinngiffeqarnerit immikkut ittut allat"-mi malittarisassaq atuutiinnassaaq.

Siornatigut § 13

Suliamut aaliangersimasumut tapi

Sulisunut 2. dec. 2019-mi isumaqatigiissutit ulloq 31. marts 2022 atorfekartunut aalajangersakkani taaneqartuni § 13 atuuppoq. Sulisoq suliffimmi ataatsimi atorfissaqartinneqarnermini suli sulisitsisumi suliguni atuuffimmi tapeq tigummiinnassavaa.

Siornatigut § 14

Inunnut ataasiakkaanut tapit

Sulisut 1. april 2014 ataasiakkaanut tapisiallit namminneq tapisiatut suliunnaarnissap tungaanut tapisiariinnassavaat.

Siornatigut § 16

Pikkorissutsimut tapisiat

Sulisunut 2. dec. 2019-mi isumaqatigiissutit ulloq 31. marts 2022 atorfekartunut aalajangersakkani taaneqartuni § 16 atuuppoq. Sulisoq suliffimmi ataatsimi atorfissaqartinneqarnermini suli sulisitsisumi suliguni atuuffimmi pisinnaasanut tapeq tigummiinnassavaa.

§ 50

Isumaqtigiissutip piffissaq atuuffia

Isumaqtigiissut una 1. april 2022-miit atuutilerpoq, aammalu illuatungeriinnit tamanit qaammatinik pingasunik sioqqutsilluni kaler-reereernikkut marsip 31-annut, taamaattorli siusinnerpaamik 31. marts 2026-imut atorunnaartussangortinneqarsinnaavoq.

Imm. 2. Isumaqtigiissutip atorunnaarnerata kingorna piffissap nutaamik isumaqtigiissuteqarfissap tungaanut akissarsiat 31. marts 2026-imi atuuttut malillugit akissarsiaqartitsisoqassaaq.

Nuuk, ulloq

Jess G Berthelsen

SIK

André Guttesen

Naalakkersuisut
sinnerlugit

Frederik S. K. Walther

Skatteministeriaqarfik
sinnerlugu

Matumuuna ilinniarsimasut aamma ilinniarsimangitsut qaammamusiallit pillugit Naalakkersuisut, Skatteministeriaqarfip aamma Sulinermiq Inuussutissarsiuteqartut Kattuffiata isumaqtigiissutaat 2. december 2019-meersoq atorunnaarsinneqarpoq.